



Sulinermik Inuussutissarsiuqartut Kattuffiat

Postboks 9 • 3900 Nuuk • Tlf.: +299 32 21 33 • Fax: +299 32 49 39 • E-mail: sik@sik.gl

Inuussutissarsiornermut Aatsitassaqaarnermut
Suliffeqaarnermullu Pisortaqaarfik

e-mailikkut nassiussaq: bmp@nanog.gl

Journal nr.: 8008/Tanbreez

Init.: EMT/-

Nuuk, 2. December 2013

SIK0283-13

Killavaani aatsitassanik piiaanissaq.

Tunngaviatigut Killavaani aatsitassanik piiaanissaq SIK-p tapersersorpaa, tassami isumaqaratta kujataani maannakkut suliffissaaleqineq eqqarsaatigalugu annikillisinneqarnissaanut assut iluaqutaassasoq.

Taamaattoq SIK isumaqarpoq suliarinneqqiisarneq Nunatsinni ingerlanneqarsinnaasariaqartoq, tassami uani nalunaarusiami ilaatigut eqqartorneqarmat allaat Danmarkimi suliarinneqqissaarnerup ingerlanneqarsinnaanera. SIK-mi ilisimasagut naapertorlugit maannakkut Danmarkimi, tassa (kemisk anlæg-mik) taama annertutigisumik suliaqarsinnaasumik peqanngilaq, taamaammat tupigusuutigaarput ilaatigut Danmarkimi suliarinneqqiisinaaneq eqqartorneqarmat, tassami Danmarkimi nunatsinnut sanilliullugit aningaasartuutit annertunerusut ilisimaneqarmata. Taamaattumik isumaqarpugut Killavaani pilersitsisoqarsinnaasoq, taamaalillunilu aamma suliffiit pilersinneqarsinnaassammata.

Uani aamma eqqartorneqarpoq sulisussat qanoq sivistigisumik suliffeqarfimmiittassanersut – tassungalu atatillugu aamma qanoq sivistigisumik sulinnigiffeqartassanersut, taamaattumik kajumissaariniarpugut Tanbreez-ip SIK attaveqarfigissagaa, pissutsit tamakua eqqartorsinnaaniassagatsigit, tamakuummatami isumaqatigiissutitigut aqqiivigineqartussat.

Aamma IBA-mut tunngatillugu isumaqatigiissuteqarnissaq pingaartutut isigaarput, tassa-nimi ilaatigut sulisunut atugassarititaasut eqqartorneqartut ilagissammatsigit.

Kiisalu suleqatigiissitaliamik pilersitsisoqarnissaa assut SIK-p ilalernartippaa.

SIK aamma isumaqarpoq ilinniartitaaneq annertunerpaaq suliffeqarfimmi ingerlanneqar-sinnaasariaqartoq – soorlu assersuutigalugu Norge-mi tamanna periaaseq ingerlanneqar-tartoq, aammalu Tanbreez Mining Greenland tamatuminnga pisussaaffilerneqartariaqar-toq. SIK-mi isumaqarmat sulisussat eqqarsaatigalugit sapinngisamik amerlanerpaartai nunaqavissuusariaqartut – tamannalu siunniunneqartariaqartoq.

SIK-milu isumaqatigilluinnarparput maannangaaq suliffeqarfik atorunnaassagaluarpat pilersarusiortoqareertariaqartoq, tukattumik allanisuulli qimanneqassanngippat.

Inussiarnersumik inuulluaqqusillunga



Jess G. Berthelsen
Kattuffiup sulittaaasua